

## Član 5.

Dosadašnji član 25. postaje član 23., dosadašnji član 26. postaje član 24., dosadašnji član 27. postaje član 26.

**II - PRELAZNE I ZAVRŠNE ODREDBE**

## Član 6.

Prelazni period za usklađivanje svih ugovora o zakupu poslovnih prostorija je 6 (šest) mjeseci od dana stupanja na snagu ove Odluke.

Danom stupanja na snagu ove Odluke zakupci koji imaju zaključen ugovor o poslovno-tehničkoj saradnji, do isteka ugovora o poslovno-tehničkoj saradnji uz obostranu pismenu saglasnost mogu to pravo prenijeti na poslovnog partnera.

O prenosu prava rješenje donosi Općinski načelnik.

Lice na koje se izvrši prenos ugovora o zakupu poslovnu prostoriju, koja je predmet prenosa, koristi pod istim uslovima kao i prethodni zakupac.

## Član 7.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02OV-23-3281/19  
30. decembra 2019. godine  
Sarajevo

Predsjedavajuća  
Općinskog vijeća  
Novo Sarajevo  
Ana Baltić, s. r.

Na osnovu člana 1. Zakona o preuzimanju, izmjenama i dopunama Zakona o zakupu poslovnih zgrada i prostorija ("Službene novine Kantona Sarajevo", br. 14/97, 29/09, 40/15 i 32/19) i člana 19. stav 1. alineja 6. Statuta Općine Novo Sarajevo ("Službene novine Kantona Sarajevo", br. 35/10, 45/19), Općinsko vijeće Novo Sarajevo, na 35. sjednici, održanoj dana 30.12.2019. godine, donijelo je

**ODLUKU****O IZMJENAMA I DOPUNAMA ODLUKE O NAČINU I VISINI PLAĆANJA ZAKUPNINE POSLOVNIH PROSTORA****I - OPĆE ODREDBE**

## Član 1.

U Odluci o načinu i visini plaćanja zakupnine poslovnih prostora ("Službene novine Kantona Sarajevo", broj 29/07 - Prečišćeni tekst), član 6. stav 2. mijenja se i glasi:

"Za zakupce koji obavljaju djelatnosti koje su Uredbom o zaštiti tradicionalnih i starih obrta Vlade Federacije BiH utvrđene kao deficitarne, utvrđuje se najmanji iznos zakupnine u visini od 5 KM po m<sup>2</sup>."

## Član 2.

U članu 9. stav 3. mijenja se i glasi:

"Umanjenje utvrđeno u stavu 1. i 2. ovog člana odnosi se i na ugovore o zakupu u kojima se djelatnost obavlja po osnovu odobrenog ugovora o podzakupu."

## Član 3.

Mijenja se član 13. i glasi:

"Zakupci koji imaju zaključene i odobrene ugovore o podzakupu ostvaruju pravo na umanje po članovima 7., 8. i 10. ove Odluke, ukoliko su u zakupnom odnosu sa Općinom Novo Sarajevo najmanje 15 (petnaest) godina, pod uslovom da je zakupnina u cijelosti izmirena."

**II - PRELAZNE I ZAVRŠNE ODREDBE**

## Član 4.

Prelazni period za usklađivanje svih ugovora o zakupu poslovnih prostorija je 6 (šest) mjeseci od dana stupanja na snagu ove Odluke.

## Član 5.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02OV-14-3838/19  
30. decembra 2019. godine  
Sarajevo

Predsjedavajuća  
Općinskog vijeća  
Novo Sarajevo  
Ana Baltić, s. r.

Na osnovu člana 47. Zakona o prostornom uređenju ("Službene novine Kantona Sarajevo", broj 7/05), čl. 13. i 19. Statuta Općine Novo Sarajevo ("Službene novine Kantona Sarajevo", br. 35/10 i 45/19), Općinsko vijeće Novo Sarajevo je na 35. sjednici, održanoj dana 30.12.2019. godine, donijelo

**ODLUKU****O USVAJANJU URBANISTIČKOG PROJEKTA "MILKOS"**

## Član 1.

Usvaja se Urbanistički projekat "Milkos", (u daljem tekstu: Plan).

## Član 2.

Plan se sastoji od tekstualnog i grafičkog dijela.

Tekstualni dio sadrži:

- Odluka o provođenju Urbanističkog projekta "Milkos",
- Tekstualni dio Plana.

Grafički dio sadrži

- Urbanizam prezentiran na odgovarajućem broju tematskih karata, i to:

1. IZVOD IZ PROSTORNOG PLANA KS ZA PERIOD OD 2003. DO 2023. GODINE - U.P. "MILKOS"
2. IZVOD IZ URBANISTIČKOG PLANA GRADA SARAJEVA ZA PERIOD OD 1986 - 2015. GODINE
3. IZVOD IZ PROJEKTOG PROGRAMA 1:1000
4. AŽURNA GEODETSKA PODLOGA 1:500
- 5.A. URBANISTIČKO RJEŠENJE (PRVA FAZA RJEŠENJA SAOBRAĆAJA) 1:500
- 5.B. URBANISTIČKO RJEŠENJE (DRUGA FAZA RJEŠENJA SAOBRAĆAJA) 1:500
6. PARTERNO RJEŠENJE 1:500
7. MREŽA REGULACIONIH I GRAĐEVINSKIH LINIJA 1:500
8. IDEJNI PROJEKAT/IZRADIO KVADRAT D.O.O. (ODVOJEN ELABORAT)

- Analitička obrada građevinskih parcela,
- Idejno rješenje saobraćaja,
- Idejno rješenje snabdijevanja vodom i odvodnja otpadnih i oborinskih voda,
- Idejno rješenje toplifikacije-gasifikacije,
- Idejno rješenje elektroenergetike i javne rasvjete,
- Idejno rješenje hortikulture.

## Član 3.

Po jedan primjerak ovjerenog elaborata nalazi se u arhivi načelnika Općine Novo Sarajevo, arhivi Općinskog vijeća Općine Novo Sarajevo i Zavodu za planiranje razvoja Kantona Sarajevo.

## Član 4.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02OV-23-3282/19  
30. decembra 2019. godine  
Sarajevo

Predsjedavajuća  
Općinskog vijeća  
Novo Sarajevo  
Ana Baltić, s. r.

Na osnovu člana 47. Zakona o prostornom uređenju ("Službene novine Kantona Sarajevo", broj 7/05), čl. 13. i 19. Statuta Općine Novo Sarajevo ("Službene novine Kantona Sarajevo", br. 35/10 i 45/19), Općinsko vijeće Novo Sarajevo je na 35. sjednici, održanoj dana 30.12.2019. godine, donijelo

**ODLUKU  
O PROVOĐENJU URBANISTIČKOG PROJEKTA  
"MILKOS"**

## Član 1.

Ovom Odlukom utvrđuju se uvjeti korištenja, izgradnje, uređenja i zaštite prostora, te način provođenja Urbanističkog projekta "MILKOS" (u daljem tekstu Plan), a naročito: granice prostorne cjeline, urbanističko - tehničkih i uslova za izgradnju planiranih građevina, uređenje građevinskog zemljišta, uvjeti uređenja parternih javnih površina, uvjeti uređenja zelenih površina, uvjeti za realizaciju planiranog saobraćajnog rješenja i saobraćaja u mirovanju.

## Član 2.

Granica obuhvata polazi od tačke br. 1 koja se nalazi na medi između parcela k.č. 4117/24 i 3349/3, a ima koordinate  $y=6531876$ ,  $x=4857111$ , potom nastavlja na sjever idući preko parcela k.č. 4117/24, 4117/37 i dolazi na sjeverni rub parcele k.č. 4117/24, nastavlja u istom pravcu sijekajući u pravoj liniji parcelu k.č. 4117/1 i dolazi u tromeđu parcela k.č. 4117/1, 3329 i 3328/1, potom nastavlja na sjever idući međom parcele k.č. 3329 (obuhvata je) i dolazi u tačku br. 2 koja se nalazi na medi između parcela k.č. 3281/1 i 3329, a ima koordinate  $y=6531815$ ,  $x=4857279$ . Granica se potom lomi na istok idući zaštitnim koridorom planirane saobraćajnice (ne obuhvata je) i dolazi u tačku br. 3 koja ima koordinate  $y=6531942$ ,  $x=4857277$ , skreće na sjever sijekajući planiranu saobraćajnicu i dolazi u tačku br. 4 koja ima koordinate  $y=6531944$ ,  $x=4857301$ , zatim produžava u pravcu istoka idući zaštitnim koridorom planirane saobraćajnice (obuhvata je) i dolazi u tačku br.5 koja se nalazi na parceli k.č. 1464/22, a ima koordinate  $y=6532207$ ,  $x=4857350$ , potom se lomi na jug sijekajući u pravoj liniji parcele k.č. 1464/22 i 4117/1 i dolazi na sjeverozapadni rub parcele k.č. 3357/1. Granica potom nastavlja na jug idući međom parcele k.č. 3357/1 (ne obuhvata je), te skreće na jugozapad idući preko parcela k.č. 4117/28, 4117/27, 4117/26 (koordinate prelomnih tačaka: br. 6  $y=6532156$ ,  $x=4857202$ ; br. 7  $y=6531997$ ,  $x=4857169$ ) i dolazi do mjesta odakle je opis granice i počeo.

Sve gore navedene parcele se nalaze u K.O. Novo Sarajevo I, Općina Novo Sarajevo.

Površina obuhvata iznosi  $P=5,3$  ha.

## Član 3.

Plan se donosi za period do donošenja novog planskog dokumenta.

## Član 4.

U sklopu obuhvata ovog Plana definisane su zone sa sljedećim namjenama:

- Zona stambeno-poslovnih i poslovnih objekata,
- Zona društvene infrastrukture,

- Zona saobraćajne infrastrukture sa površinama zaštitnog zelenila.

## Član 5.

Urbanističko-tehnički uvjeti za izgradnju građevina:

**Lokacija 1.**

- Izgradnja svih građevina i zgrada unutar granica iz člana 2. ove Odluke vrši se na građevinskom zemljištu ograničenom regulacionim i građevinskim linijama.
- Regulaciona linija utvrđena ovim Planom se ne može mijenjati.
- Građevinska linija utvrđuje prostor na kome je dozvoljeno lociranje i izgradnja građevina.
- Prizemlje građevine ne može preći građevinsku liniju. U višim etažama je moguće pojedinim dijelovima objekta preći preko građevinske linije, ali ne više od 3,0 m, a prema građevinskim linijama nivoa (spratnih etaža) naznačenim u Planu (prema Idejnom projektu "Kvadrat" d.o.o. Sarajevo).
- Kote podova utvrđene u ovom urbanističkom projektu u pravilu moraju se poštovati, ali su moguće minimalne korekcije u visini od  $\pm 30$  cm.
- Maksimalne visine i spratnost objekata utvrđene ovim urbanističkim projektom se ne mogu mijenjati i utvrđene su kroz Idejni projekat "Kvadrat" d.o.o. Sarajevo.
- Arhitektonski objekti predviđeni za izgradnju ovim urbanističkim projektom moraju se realizovati prema Idejnom projektu koji je sastavni dio dokumentacije ovog urbanističkog projekta i koji je urađen od strane "Kvadrat" d.o.o. Sarajevo.
- Svi arhitektonski objekti predviđeni za izgradnju ovim urbanističkim projektom moraju biti oblikovani i građeni od savremenih materijala.
- Krovne plohe stambeno-poslovnih objekata će biti izvedene kao prohodni ozelenjeni ravni krovovi.
- Uredaji i instalacije koji su u funkciji objekata moraju se smjestiti u okviru osnovnih gabarita objekata ili u građevinskoj parceli, a kako je dato u Idejnim rješenjima infrastrukture koji su sastavni dio ovog urbanističkog projekta.
- Svi arhitektonski objekti predviđeni za izgradnju ovim urbanističkim projektom moraju biti projektovani i izvedeni prema uvjetima predviđenim za 8° MCS skale.
- Tehnička dokumentacija za planiranu arhitektonsko - urbanističku cjelinu mora biti usaglašena sa uslovima fundiranja datim u geoinžinjerskom elaboratu koji je urađen za potrebe Plana. Prije izdavanja urbanističke saglasnosti, odnosno odobrenja za građenje, potrebno je pribaviti inženjerskogeološki i geotehnički nalaz i uslove temeljenja od stručnih institucija.
- Saobraćajni prilazi definisani su sa južne, zapadne i sjevero-zapadne strane.
- Unutar ugla preglednosti u zonama saobraćajnih čvorova se ne mogu postavljati ograde, vršiti sadnja visokog zelenila ili graditi druge fizičke strukture čija visina prelazi 0,6 m.
- Na osnovu tražene brutto građevinske površine i namjene, obezbijediti broj parking - garažnih mjesta i to: za stambenu izgradnju 1 stan - minimalno 1 parking mjesto; za poslovne sadržaje jedno parking mjesto na  $60 \text{ m}^2/\text{BGP}$ .

**Lokacija 2.**

- Regulacija svih građevina i zgrada unutar granica iz člana 2. ove Odluke vrši se na građevinskom zemljištu ograničenom regulacionim i građevinskim linijama.
- Regulaciona linija utvrđena ovim Planom se ne može mijenjati.
- Građevinska linija utvrđuje prostor na kome je dozvoljeno lociranje i izgradnja građevina.
- Tokom izdavanja urbanističke saglasnosti za ovu lokaciju obavezna je izrada idejnog projekta koji će odrediti finalni oblik, sadržaj i ostale elemente potrebne za pribavljanje urbanističke saglasnosti.
- Kote podova utvrđene u ovom urbanističkom projektu u pravilu treba poštovati, ali su moguće minimalne korekcije.
- Maksimalne visine i spratnost objekata utvrđene ovim urbanističkim projektom se ne mogu mijenjati.
- Svi arhitektonski objekti predviđeni za izgradnju ovim urbanističkim projektom moraju biti oblikovani i građeni od savremenih materijala.
- Uređaji i instalacije koji su u funkciji objekata moraju se smjestiti u okviru osnovnih gabarita objekata.
- Svi arhitektonski objekti predviđeni za izgradnju ovim urbanističkim projektom moraju biti projektovani i izvedeni prema uvjetima predviđenim za 8° MCS skale.
- Tehnička dokumentacija za planiranu arhitektonsko - urbanističku cjelinu mora biti usaglašena sa uslovima fundiranja datim u geoinžinjerskom elaboratu koji je urađen za potrebe Plana. Prije izdavanja urbanističke saglasnosti, odnosno odobrenja za građenje, potrebno je pribaviti inženjerskogeološki i geotehnički nalaz i uslove temeljenja od stručnih institucija.
- Saobraćajni prilaz na lokaciju definisan je sa istočne strane.
- Na osnovu tražene brutto građevinske površine i namjene, obezbijediti broj parking - garažnih mjesta i to jedno parking mjesto na 40 m<sup>2</sup> / BGP.

**Član 6.**

Objekti koji se zadržavaju mogu se rekonstruisati i redizajnirati u okviru postojećeg horizontalnog i vertikalnog gabarita.

**Član 7.**

Izgradnja i lociranje privremenih objekata na području koje obuhvata Plan se mogu odobriti isključivo za potrebe izvođenja radova na gradilištu i moraju se ukloniti prije početka tehničkog prijema zgrade.

**Član 8.**

Uređenje građevinskog zemljišta se mora izvršiti u obimu i na način kako je to predviđeno ovim Planom. Izgradnja arhitektonsko-urbanističke cjeline ne može početi bez projektne dokumentacije osiguranja građevinske jame.

Izgradnja građevina se ne može započeti bez prethodno izvedenog minimalnog uređenja građevinskog zemljišta pod čime se podrazumijeva prvenstveno realizacija Planom predviđenog saobraćajnog rješenja priključenja na vodovodnu, kanizacionu i elektroenergetsku mrežu te eventualno izmještanje vodova komunalne infrastrukture, a u svemu prema idejnim projektima koji su sastavni dio ovog Plana.

Izgradnja arhitektonsko-urbanističke cjeline ne može započeti bez izradene projektne građevine cijelog kompleksa

(Lokacija 1.). Izuzetno se ovi objekti mogu koristiti za potrebe gradilišta, ali se isti moraju ukloniti prije tehničkog prijema građevine. Postojeći objekti u obuhvatu lokacije 1. se ne zadržavaju.

**Član 9.**

Uređenje zelenih površina se mora izvršiti na osnovu projekta sadnje čiju osnovu čini idejno rješenje hortikulture koje je sastavni dio dokumentacije ovog projekta.

Uređenje zelenih površina u okviru pojedinih namjena prostora iz člana 4. ove odluke mora se izvršiti prije tehničkog prijema predviđenih arhitektonskih i drugih objekata.

Uređene zelene površine sa urbanim mobilijarom i adekvatnim popločanjem mora biti izvedeno kako je dato kroz urbanistički projekat.

Tehnički prijem arhitektonskih i drugih objekata podrazumijeva i prijem izvedenih radova na uređenju zelenih površina.

**Član 10.**

Projekti planiranih objekata, trebaju da sadrže i Idejni/Izvedbeni projekat vanjskog uređenja sa hortikulturom, a kod uređenja ove površine, akcenat treba da bude na adekvatnom odabiru i dispoziciji elemenata urbanog mobilijara (popločanje, klupe, korpe, rasvijeta, skulpture, elementi vode i sl.)

Tehnički prijem građevine podrazumijeva i prijem izvedbenih radova na vanjskom uređenju sa hortikulturom.

**Član 11.**

Zaštitni pojas uz javne ceste (zaštitni cestovni pojas) je pojas na kojem važi poseban režim gradnje i uspostavlja se s ciljem zaštite javne ceste i sigurnosti saobraćaja na njoj od štetnih uticaja i različitih aktivnosti u prostoru pored javne ceste.

U postupku izdavanja odobrenja za građenje ili urbanističke saglasnosti za građenje objekata i instalacija na javnoj cesti ili unutar cestovnog i zaštitnog pojasa javne ceste organ nadležan za prostorno uređenje obavezan je zatražiti prethodnu saglasnost, odnosno odobrenje od upravitelja ceste, shodno članu 58. Zakona o cestama u Federaciji Bosne i Hercegovine ("Službene novine Federacije BiH", br. 12/10, 16/10 i 66/13).

Zaštitni pojas u smislu stava 1. ovog člana mjeri se od vanjskog ruba zemljišnog pojasa tako da je u pravilu širok sa svake strane:

- autoceste 40 m,
- brze ceste 30 m,
- magistralne ceste 20 m,
- regionalne ceste 10 m,
- lokalne ceste 5 m.

**Član 12.**

Urbanističkim projektom nije obuhvaćeno postavljanje firmi, reklama i drugih sadržaja na građevinama i fasadama, već će se zahtjevi za postavljanje navedenih sadržaja rješavati u skladu sa Odlukom o uvjetima i načinu postavljanja i održavanja naziva firmi, reklama i drugih sadržaja na građevinama i fasadama i uređenju fasada na području Općine Novo Sarajevo koju donosi Općinsko vijeće Novo Sarajevo.

**Član 13.**

Uslovi za sklanjanje stanovništva i materijalnih dobara moraju biti obezbjeđeni u skladu sa odredbama Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", br. 39/03, 22/06 i 43/10) i odredbama Uredbe o mjerilima, kriterijima i načinu izgradnje skloništa i tehničkim normativima za kontrolu

ispravnosti skloništa ("Službene novine Federacije BiH", br. 21/05 i 59/07).

#### Član 14.

U postupku donošenja odobrenja za građenje, odnosno u postupku donošenja urbanističke saglasnosti i odobrenja za građenje nivelete pješačkih saobraćajnica, kao i prilazi i ulazi u građevine moraju biti isprojektovane i izvedene prema Uredbi o urbanističko-tehničkim uvjetima, prostornim standardima i normativima za otklanjanje i sprječavanje stvaranja arhitektonsko-urbanističkih barijera za kretanje invalidnih lica koja koriste tehnička i ortopedska pomagala ("Službene novine Kantona Sarajevo", broj 5/00).

#### Član 15.

Površine za parkiranje, odnosno garažiranje vozila utvrđene su Planom - faza saobraćaja.

Investitor je dužan da obezbijedi površine za parkiranje i garažiranje na dodijeljenoj građevinskoj parceli prema važećim normativima.

#### Član 16.

Izgradnja objekata privremenog karaktera može se odobriti isključivo za potrebe gradilišta, a isti se moraju ukloniti prije tehničkog prijema.

#### Član 17.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02OV-23-3283/19  
30. decembra 2019. godine  
Sarajevo

Predsjedavajuća  
Općinskog vijeća  
Novo Sarajevo  
Ana Baltić, s. r.

Na osnovu člana 19. stav 1. alineja 4. Statuta Općine Novo Sarajevo ("Službene novine Kantona Sarajevo", br. 35/10 i 45/19), Općinsko vijeće, na 35. sjednici održanoj dana 30.12.2019. godine, donijelo je

### ODLUKU

#### O IZMJENAMA I DOPUNAMA ODLUKE O KRITERIJIMA, USLOVIMA I NAČINU UTVRĐIVANJA BORAČKIH UDRUŽENJA SA STATUSOM OD POSEBNOG INTERESA I DRUŠTVENOG ZNAČAJA ZA OPĆINU NOVO SARAJEVO

#### Član 1.

U Odluci o kriterijima, uslovima i načinu utvrđivanja boračkih udruženja sa statusom od posebnog interesa i društvenog značaja za Općinu Novo Sarajevo ("Službene novine Kantona Sarajevo", br. 23/17 i 10/18), član 3. mijenja se i glasi:

- (1) Postupak utvrđivanja boračkog udruženja sa statusom od posebnog interesa i društvenog značaja

### OPĆINA STARI GRAD

#### Općinsko vijeće

Na osnovu člana 25. stav 1. alineja 2. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 20/13), i člana 19. Odluke o dodjeli u zakup poslovnih zgrada i poslovnih prostora Općine Stari Grad Sarajevo i rasporedu poslovnih djelatnosti na području Općine Stari Grad Sarajevo ("Službene novine Kantona Sarajevo", br. 3/18, 16/18 i 45/19), Općinsko vijeće Stari Grad Sarajevo, na sjednici održanoj 26.12.2019. godine, donijelo je

za Općinu Novo Sarajevo pokreće se na zahtjev zainteresovanog boračkog udruženja.

- (2) Zahtjev za utvrđivanje boračkog udruženja sa statusom od posebnog interesa i društvenog značaja za Općinu Novo Sarajevo podnosi se Komisiji za statusna pitanja boraca Općinskog vijeća Novo Sarajevo, putem Službe za boračko-invalidsku zaštitu, u zadnjem kvartalu tekuće godine.

#### Član 2.

U članu 4. stav 1. Odluke riječi: "prijava" zamjenjuje se riječju: "zahtjev", a riječi: "na javni poziv" brišu se.

#### Član 3.

Član 6. Odluke mijenja se i glasi:

Postupak davanja prijedloga za utvrđivanje statusa boračkog udruženja od posebnog interesa i društvenog značaja za Općinu provodi Komisija za statusna pitanja boraca Općinskog vijeća Novo Sarajevo.

#### Član 4.

Član 7. briše se.

#### Član 5.

Član 8. Odluke mijenja se i glasi:

Komisija razmatra pristigle zahtjeve i formira listu sa prijedlogom za utvrđivanje boračkih udruženja sa statusom od posebnog interesa i društvenog značaja za Općinu u roku od 30 dana od podnošenja zahtjeva.

#### Član 6.

U članu 12. stav 1. alineja 3. i 4. se brišu, a dosadašnja alineja 5. postaje alineja 3.

#### Član 7.

Odluka o izmjeni i dopuni Odluke o kriterijima, uslovima i načinu utvrđivanja boračkih udruženja sa statusom od posebnog interesa i društvenog značaja za Općinu Novo Sarajevo ("Službene novine Kantona Sarajevo", broj 10/18), stavlja se van snage.

#### Član 8.

Ovlašćuje se Komisija za statut i propise da u roku od 30 dana sačini prečišćeni tekst Odluke o kriterijima, uslovima i načinu utvrđivanja boračkih udruženja sa statusom od posebnog interesa i društvenog značaja za Općinu Novo Sarajevo.

#### Član 9.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02OV-41-906/19  
30. decembra 2019. godine  
Sarajevo

Predsjedavajuća  
Općinskog vijeća  
Novo Sarajevo  
Ana Baltić, s. r.

### ODLUKU

#### O DODJELI U ZAKUP POSLOVNOG PROSTORA U ULICI S. H. MUVEKITA BROJ 1

1. Poslovni prostor u ulici S.H. Muvekita broj 1., ukupne površine 167,00 m<sup>2</sup>, (prizemlje 100,00 m<sup>2</sup> i galerije 67,00 m<sup>2</sup>), B kategorija, dodjeljuje se u zakup Stojnić Denisu.
2. Dodjela poslovnog prostora iz čl. 1. ove Odluke realizovat će se pod slijedećim uslovima:
  - Da se u skladu sa Zaključkom Općinskog vijeća Stari Grad Sarajevo, broj 02-49/19 od 26.12.2019. godine potpiše Sporazum o vansudskoj nagodbi